

Tubag 76

2. b) Autoridad ug pagpakig-uban ni Kristo sa iglesia

Gisangkapan alang sa Iyang Misyon

Ang iglesia nakabaton sa pribilehiyo sa pag-ampo aron sa pagdawat ug tabang alang sa iyang misyon. Nabatonan usab niya ang gahum sa Balaang Espiritu. Ang Balaang Espiritu nagahatag kaniya sa mga gasa ug mga katakus nga iyang gikinahanglan aron sa pagtubo ug pagtuman sa iyang misyon.



10

PAG-USWAG
DIHA SA
LOKAL NGA
SIMBAHAN

Tinugyan nga Buluhaton 77

1. Basaha:
Juan 15:7
Mateo 9:37, 38
Buhata ang gipabuhat kanimo niining mga bersikulo.
loha.
2. Basaha
1 Mga Taga Corinto 12:4-7
Taga Efeso 4:11,12
3. Balik-balika diha sa imong huna-huna ang pagsagulo sa Mga Buhat 1:8.

Sag-uloha kini:

Niini Nga Leksyon Imong Pagatun-an

PAG-USWAG DIHA SA LOKAL NGA SIMBAHAN

Pagkuha sa mga Babag

Pagbinuligay uban sa Distrito

Mga Ang-ang ngadto sa Pagkapukaw



Gisangkapan alang sa Iyang Misyon

Ang iglesia adunay gamhanan nga mensahi nga makadala sa mga kalag ngadto sa Dios. Kini mao ang ebanghilyo. Ang iglesia usab nakabaton sa kinahanglanon nga mga magbubuhat aron sa pagtuman sa Dakung Sugo. Ang matag miembro usa ka saksi ug usa ka mahinungdanon nga bahin sa pagtubo sa iglesia.

Pagkuha sa mga Babag

Ang lokal nga simbahan kinahanglan nga mag-ampo, magplano ug mobuhat alang sa mapinadayonon nga paguswag. Mahimong sugdan kini pinaagi sa pagkuha sa mga babag alang sa pag-uswag nga giala sa yawa diha sa agianan. Ang upat ka mga kasagaran nga babag mao kini:



1. Walay-pagtagad
2. Dili panagkauyon
3. Pagkakalibutanon
4. Salapianong kalisud

Tinugyan nga Buluhaton 78

1. Basaha: Roma 1:16; 2 Mga Taga Corinto 5:19, 20
2. Ang iglesia gisangkapan sa:
 1. nga sugo
 2. sa Pulong sa Dios
 3. sa pag-ampo
 4. ni Kristo
 5. ug mga katakus
 6. sa Balaang Espiritu
 7. nga mensahi
 8. nga mga mag-bubuhat.

Tinugyan nga Buluhaton 172

1. Ang simbahan kinahanglan nga mag-ampo, mag-plano, ug mobuhat alang sa
 nga pag-uswag.
2. Ang upat ka mga babag alang sa pag-uswag nga gianli sa yawa diha sa simbahan mao kini:
 - (1)
 - (2)
 - (3)
 - (4)

Tubag 78

2. (1) Langitnon
- (2) Autoridad
- (3) Pribilehiyo
- (4) Pagpakig-uban
- (5) Mga gasa
- (6) Gahum
- (7) Gamhanan
- (8) Gikinahanglan

**Gisangkapan alang sa
Iyang Misyon**

Si Jesus mao ang punoan sa paras ug kita mao ang mga sanga. Ang matag magtotoo kinahanglan nga mamunga alang sa Ginoo. Mahimo kini pinaagi sa espirituhanon nga pagtubo ug pagsugilon ngadto sa uban mahitungod kang Jesus. Ang tanan nga mga matinud-anong mga magtotoo sa unang iglesia — dili lamang ang mga apostoles — mipakaylap sa ebanghilyo ug nagsugot sa Dakung Sugo.

Tubag 172

1. Mapinadayonon
2. (1) Walay-pagtagad
- (2) Dili panagkauyon
- (3) Pagkakilibutanon
- (4) Salapianong kalisud

Pagkuha sa mga Babag**Walay-pagtagad**

Kining walay-pagtagad makita diha sa kakulang sa pag-ampo, sa panan-awon, ug sa kadasig sa pagpamuhat alang sa Ginoo. Ang mga miembro mahimong matagbaw na lamang sa pagtambong sa mga serbisyo apan walay gibuhad alang sa kaluwasan sa kalag nga nangawala. Ang pag-ila sa problema mahinungdanon. Ang pagkapukaw mao ang tubag.

Tinugyan nga Buluhaton 79

Basaha:

Juan 15:1-6

Mateo 10:1

Lukas 10:1

1 Pedro 2:9

Mga Buhat 8:1,4; 11:19-21

Tinugyan nga Buluhaton 173

Kon ang miembro wala kaayo'y pagtagad sa iglesia ug sa pagpangabig ug mga kalag sila tingali

- a) mainampoon ug malipayon nga nagapamuhat alang sa Ginoo.
- b) diyutay ra ug inampoan ug dili kaayo mobuhat alang sa Ginoo.
- k) mangutana kon unsa ang ilang mahimo alang sa Ginoo.



Ang Kaakohan sa matag Simbahan

Ang iglesia adunay sugo sa pagpakaylap sa maayong balita sa kalibutan. Unsaon man kini sa paghimo? Ang matag magtotoo sa matag nasud kinahanglan magahalad sa iyang kaugalingon ngadto sa Ginoo ug sa Iyang buluhaton, aron siya magamit sumala sa iyang mahimo. Ang pagpamuhat alang sa Ginoo maoy usa ka pribilehiyo nga gikahatag ngadto sa matag miembro sa lawas ni Kristo.

Tubag 173

- b) diyutay ra ug inampoan ug dili kaayo mobuhat alang sa Ginoo

Pagkuha sa mga Babag

Dili panagkauyon

Ang pagkunhod sa pagka-espirituhanon diha sa iglesia ug ang kakulang sa gugma magabunga ug mga sala sama sa garbo, kaligutgut, ug panagbingkil sa mga miembro. O dili ba hinoon ang uban magapamuhat batok sa pastor ug pagadumalahon ang simbahan sa ilang kaugalingon. Ang dili panagkauyon maoy usa ka babag sa pagkapukaw ug sa pag-uswag.

Tinugyan nga Buluhaton 80

1. Basaha: Mateo 9:36-38; Juan 4:35; Mateo 25:15-21
2. Hain man niini nga mga bersikulo sa Biblia ang nagatudlo nga ang Dios magabalus kanato kon kita magabuhat nga matinud-anon alang Kaniya?
.....
3. Hunahunaa ang mga lungsod nga nagalibut kanimo. Ang maayong balita gikawali na ba kanilang tanan? Buot ba ikaw magapili ug usa ka dapit aron imo kining ilakip sa imong pinasahi nga pag-ampo? ...
.....
Kon mao, iampo kini sa matag adlaw ug pangita kon unsa ang imong mahimo aron imong ikawali ang maayong balita niining dapita.
4. Sulati ang imong talaan sa magtutuon alang sa leksyon 5.

Tinugyan nga Buluhaton 174

1. Basaha:
Mga Hebreohanon 12:15
Tito 1:10-13
1 Mga Taga Corinto 1:10, 11
2. Pamalandunga kini: Ang imo ba nga simbahan gisamok sa mga panagbingkil sa mga miembro? Nakabalda ba kini sa pag-uswag sa simbahan? Nakabaton ba ikaw niini nga problema karon?
3. Pag-ampo sa Dios nga ang imong simbahan makabaton sa matunod nga panagsinabtanay, gugma, ug panagbuligay.